

## Borred.

ten Grund hier von legt vns für vnser Hocherleuchtter Magus,  
vñ Cabalist THEOPHRASTUS, aus der Englischen vñ Cabal-  
listischen Scientia, dem alle wahre Christenfferige Philosophi bil-  
lich glauben geben sollen. Also auch der die Natur nicht kennet/  
der liebet sie nicht / derselbig der also nichts erkennet / der siche  
nichts bei demselbigen / verachtet sie / sein Bauch ist nuhr sein  
Gott. Je mehr aber die Erfādtnuß ist in einem ding je mehr ent-  
zündet sich die lieb darzu . Wer den Armen nicht verstehet noch  
erkennen / oder kein Armuth selbst versucht hat / der glaubet ihm  
nicht / der liebet ihn nicht / thut ihm auch nichts gutes / wie darvon  
doch die Heydnische Königin Dido beym Virgilio sich rhūmet /  
sprechendt: Non ignara mali miseris succurrere disco. Welches  
vns Christen auff unsers Meisters vnd Herren IESU CHRIS-  
TI befelh viel mehr gebühren will / aber leider Gott erbarmis /  
solche Lieb vnd Trew in aller Menschen herzen fast gar erfalte  
vnnd verschwunden. Darumb ligen alle ding in Erfādtnuß /  
aus derselbigen fliessen dann die früchte gegen demselbigen / die er-  
fādtnuß gibt den Glauben : dann der Gott erkennet / der glaubt  
in ihm : der ihm nicht erkennet / der glaubt nicht in ihm : Dar-  
umb ein jeglicher so viel glaubt / als er erkennet. Also auch in der  
Alchymie / wer die / vnnd ihre arth / vnnd verborgne heimliche  
kressen / in den Metallen / vnnd Mineralibus tieff verschlossen /  
nicht lehret erkennen / der wirds auch nicht lieben / viel weniger  
herauß bringen / das Purum ab impuro zu secernieren wissen /  
viel weniger das Fünfste wesen / welches der ganze Kern vnnd  
grundt in einem jeden Wesen oder Creato ist / erlangen. Und  
hier von sey also dissmahls gnug Philosophirt bis auff unsere frö-  
liche zusammen kunfft / vnd mündliche Conversation.

Dieweil ich aber allen Filiis doctrinæ Spagyricæ wol vnnd  
hertzlich gewogen / vnd jhr Adelich ehrlich Intent / den Thewren  
Eincurschak / vnnd die Universal Medicin / oder gleich nuhr  
Particulariter etwas zuerlangen / mit meiner hülff / so viel müs-  
glich zu promovieren ganz geneigt / also hab ich widerumb ein  
new Olympisch Rosarium gezelet vnnd gepflanzt / darinnen  
aufbündige Pflänklein vnd Beumlein Bhalter vnnd Newer  
Philosophen